

关于清明节的古诗大全

1.
清明时节过边城，远客临风几许情。野鸟间关难解语，山花烂漫不知名。
葡萄酒熟愁肠乱，玛瑙杯寒醉眼明。遥想故园今好在，梨花深院鹧鸪声。
——耶律楚材《庚辰西域清明》
2.
风风雨雨梨花，窄索帘栊，巧小窗纱。甚情绪灯前，客怀枕畔，心事天涯。
三千丈清愁鬓发，五十年春梦繁华。蓦见人家，杨柳分烟，扶上檐牙。
——乔吉《折桂令·客窗清明》
3.
晴晓国门通，都门蔼将发。纷纷洛阳道，南望伊川阙。衍漾乘和风，清明送芬月。
林窥二山动，水见千龛越。罗袂冒杨丝，香橈犯苔发。群心行乐未，唯恐流芳歇。
——李峤《清明日龙门游泛》
4.
繁华销歇市朝空，此地何堪着固穷。久似坎蛙居井底，忽如野鹤出笼中。
宿醒夜解催花雨，归棹春乘上水风。及得清明到家否，新芽茶绿牡丹红。
——方回《二月十一日晓发龙山风顺》
5.
常年寒食在京华，今岁清明在海涯。远苍蹋歌深夜月，隔墙吹管数枝花。
鸳鸯得路音尘阔，鸿雁分飞道里赊。不是多情成二十，断无人解访贫家。
——徐铉《寒食成判官垂访在赠》
6.
三月二日风日暖，千家万家桃李开。少年白日骑马去，满城红雨拂面来。
共君且饮酒一斗，处世不必歌七哀。孙刘事业果何在，百年断石生莓

苔。——萨都刺《同克明曹生清明日登北固山和韵》

7.
昔走都门终夜雨，明朝泥淖堪惊。疏疏点点忽难鸣。数峰青似染，快活早来晴。十五年春梦断，乱山寒食清明。无人挑菜踏青行。青鸠啼雨外，闲听寺中声。——刘辰翁《临江仙》

8.
来往区区莫谩忙，转头还是俗相妨。题诗见子留人意，作客如家自我常。休叹清明仍值雨，好于元已趁还乡。布衾木枕犹堪质，要似当年人姓阳。——赵蕃《次韵伯瑞叔骥常字韵》

9.
乌啼鹊噪昏乔木，清明寒食谁家哭。风吹旷野纸钱飞，古墓累累春草绿。堂梨花映白杨路，尽是死生离别处。冥漠重泉哭不闻，萧萧暮雨人归去。——苏轼《与郭生游寒溪，主簿吴亮置酒，郭生喜作挽歌》

10.
风雨萧萧夜向晨，清明都付寂寥滨。吹残野外无穷柳，消尽江南大半春。临水桃花还有浪，衔泥燕子不生尘。匡床坐稳浑慵起，赖得同人语笑频。——九皋声公《次韵道竹可清明雨》

11.
燕子来时新社，梨花落后清明。池上碧苔三四点，叶底黄鹂一两声。日长飞絮轻。巧笑东邻女伴，采桑径里逢迎。疑怪昨宵春梦好，元是今朝斗草赢。笑从双脸生。——晏殊《破阵子·春景》

12.
春城闲望爱晴天，何处风光不眼前。寒食花开千树雪，清明日出万家烟。兴来促席唯同舍，醉后狂歌尽少年。闻说莺啼却惆怅，诗成不见谢临川。——王表《清明日登城春望寄大夫使君》

13.
著处繁花务是日，长沙千人万人出。渡头翠柳艳明眉，争道朱蹄骄啮膝

。此都好游湘西寺，诸将亦自军中至。马援征行在眼前，葛强亲近同心事。金镫下山红粉晚，牙樯捩柁青楼远。古时丧乱皆可知，人世悲欢暂相遣。弟侄虽存不得书，干戈未息苦离居。逢迎少壮非吾道，况乃今朝更祓除。——杜甫《清明》

14.

柳过清明絮乱飞，感时怀旧思凄凄。月生楼阁云初散，家在汀洲梦去迷。发白每惭清鉴启，酒醒长怯子规啼。北山高卧风骚客，安得同吟复杖藜。——李中《海上春夕旅怀寄左偃》

15.

雨洗清明万象鲜，满城车马簇红筵。恩荣虽得陪高会，科禁惟忧犯列仙。当醉不知开火日，正贫那似看花年。纵来恐被青娥笑，未纳春风一宴钱。——皮日休《登第后寒食杏园有宴，因寄录事宋垂文同年》

16.

几宿春山逐陆郎，清明时节好烟光。归穿细荇船头滑，醉踏残花屐齿香。风急岭云飘迥野，雨余田水落方塘。不堪吟罢东回首，满耳蛙声正夕阳。——来鹄《清明日与友人游玉塘庄》

17.

新火飞烟上柳梢，天供好景助诗豪。江湖一处逢嘉月，溟海同时得巨鳌。白水更随春雨长，青云不及画楼高。千桡插羽鼙声动，十里惊雷夺暮涛。——张先《次韵清明日西湖》

18.

愁病春来次第加，清明寂寞类僧家。留人野饭新挑菜，乞火邻墙旋煮茶。晴日檐楹杨柳色，微风帘幕海棠花。故人念我能相过，不遣良辰负物华。——文徵明《清明日陈淳过访》

19.

原上烟芜淡复浓，寂寥佳节思无穷。竹林近水半边绿，桃树连村一片红。尽日解鞍山店雨，晚天回首酒旗风。遥知幕府清明饮，应笑驱驰羁旅中。——司马光《寒食许昌道中寄幕府诸君》

20.

柳暗花香愁不眠，独凭危槛思凄然。野云将雨渡微月，沙鸟带声飞远天。久向饥寒抛弟妹，每因时节忆团圆。饧餐冷酒明年在，未定萍蓬何处边。——李群玉《湖寺清明夜遣怀》

21.

改火清明后，优恩赐近臣。漏残丹禁晚，燧发白榆新。瑞彩来双阙，神光焕四邻。气回侯第暖，烟散帝城春。利用调羹鼎，馀辉烛缙绅。皇明如照隐，愿及聚萤人。——郑轅《清明日赐百僚新火》

22.

芳樽到日恰清明，似与嘉辰默计程。拟助林园延胜赏，肯容桃李落繁英。老来官爵浑无味，閒里杯盘却有情。见说使车临岱麓，尚能相过共飞觥。——张孝纯《中运使寄酒清明日到以诗谢之》

23.

年光胡不少留连，熟食清明又眼前。改望深宫传蜡烛，可堪小市禁炊烟。满城风雨无杯酒，故国松楸欠纸钱。老病心情冷时节，只将书策替幽禅。——曾几《寒食只旬日间风雨不已》

24.

螭口清漪下玉栏，隔花时听鸟关关。酒行寒食清明际，人在蓬壶阆苑间。天近省闈卿月丽，春偏戚里将星闲。忽思归去焚香坐，静取楞严看入还。——秦观《次韵王仲至侍郎》

25.

清明院落夜溶溶，宠柳娇花让雪丛。乱搅三眠飞絮白，浪搀百子石榴红。烧残高烛东风后，掩却重门细雨中。闻向花间歌法曲，应怜江海白头翁。——程嘉燧《周家清明植梨花六月盛开邀客赋诗》

26.

田家复近臣，行乐不违亲。霁日园林好，清明烟火新。以文长会友，唯德自成邻。池照窗阴晚，杯香药味春。檐前花覆地，竹外鸟窥人。何必桃源里，深居作隐沦。——祖咏《清明宴司勋刘郎中别业》

27.

过尽清明三月雨，东风才到溪滨。画工传得已非真。青君著意处，桃李未为伦。倚槛盈盈如欲语，就中拈足花神。自然亭馆一番新。从今观绝品，不独洛阳人。——沈蔚《临江仙》

28.

清明时节出郊原，寂寂山城柳映门。水隔淡烟脩竹寺，路经疏雨落花村。天寒酒薄难民醉，地迥楼高易断魂。回首故山千里外，别离心绪向谁言。——杨徽之《寒食寄郑起侍郎》

29.

白发星星纱帽乌，怕随年少过西湖。清明上冢行人少，寒食开少宫使无。半世行藏随杖屨，百年悲乐寄樽壶。归来第五桥边路，半残少阳噪毕逋。——何梦桂《再用前韵和诸公》

30.

杏花榆荚晓风前，云际离离上峡船。江转数程淹驿骑，楚曾三户少人烟。看春又过清明节，算老重经癸巳年。幸得柱山当郡舍，在朝长咏卜居篇。——窦常《之任武陵，寒食日途次松滋渡，先寄刘员外禹》

31.

上巳欢初罢，清明赏又追。闰年侵旧历，令节并芳时。细雨莺飞重，春风酒酝迟。寻花迷白雪，看柳拆青丝。淑气如相待，天和意为谁。吁嗟名未立，空咏宴游诗。——独孤良弼《上巳接清明游宴》

32.

六曲阑干偎碧树，杨柳风轻，展尽黄金缕。谁把钿筝移玉柱，穿帘海燕惊飞去。满眼游丝兼落絮，红杏开时，一霎清明雨。浓睡觉来慵不语，惊残好梦无寻处。——冯延巳《鹊踏枝》

33.

寒食清明都过了，客中无计留春。东风吹雨更愁人。系船芳草岸，始信是官身。怅望故园烟水阔，几时匹马駸駸。别肠何止似车轮。殢天天不管，转作两眉颦。——黄机《临江仙》

34.

寒食清明春事好，公家霁月光风。年时犹记雨声中。州侯陈乐舞，法从酒杯同。坐上王杨虽自散，醅醑依旧香浓。待将诗易寿无穷。鸢飞鱼跃矣，风虎更云龙。——韩滉《临江仙》

35.

寒食无家泪满巾，清明无酒更愁人。不闻东道开东阁，空欢白头歌白苹。日永萧条徒隐几，雪埋苍莽阻寻春。王郎归去我留滞，始信儒冠解误身。——洪皓《节至思亲不觉泪下因记杜子美诗云无家对寒食》

36.

去岁清明日，南巴古郡楼。今年寒食夜，西省凤池头。并上新人直，难随旧伴游。诚知视草贵，未免对花愁。鬓发茎茎日，光阴寸寸流。经春不同宿，何异在忠州。——白居易《中书连直寒食不归因怀元九》

37.

百年只有百清明，狼狈今年又避兵。烟火谁家寒食禁，簪裾那复丽人行。禾麻地废生边气，草木春寒起战声。渺渺飞鸦天断处，古来还是阖庐城。——戴表元《乙亥岁毗陵道中》

38.

柳花飞絮，又还是、清明寂寞时节。洞府人间嗟素手，今日匆匆分拆。巧笑难成，含情谁解，顾影无颜色。风流满面，却成春恨凄恻。云鬓从弹金蝉，纷纷红泪，千点胭脂湿。聚调轻盈离调惨，声入低空愁碧。祖帐将收，骊驹欲驾，去也劳相忆。伤心南浦，断肠芳草如积。——王之望《念奴娇》

39.

风光烟火清明日，歌哭悲欢城市间。何事不随东洛水，谁家又葬北邙山。中桥车马长无已，下渡舟航亦不闲。冢墓累累人扰扰，辽东怅望鹤飞还。——白居易《清明日登老君阁望洛城赠韩道士》

40.

偶从山寺赏春还，问讯名花已破悭。清绝比梅加馥郁，丰容似菊更妖娴

。碧云重忆尊前句，红缣遥思醉后颜。寒食清明只旬日，绿斋芍药待君攀。——周必大《二月二十六日携家游青原归入阳园醅醠盛开通》

41.

今日清明宴，佳境惜芳菲。摇扬花杂下，娇啭莺乱飞。绿渚传歌榜，红桥度舞旂。和风偏应律，细雨不沾衣。承恩如改火，春去春来归。——张说《清明日诏宴宁王山池赋得飞字》

42.

寒食初过一百五，陌上风轻敛微雨。宫花铺绣浅深红，蜀柳垂丝千万缕。都人士女趁时节，郡圃山樊乐樽俎。肯教容易度春光，来日清明更妍煦。——苏颂《寒食后一日作和林秀才》

43.

出游初不计阴晴，聊喜湖山信马行。弱柳自随烟际绿，幽花还傍雨边明。嫩蒲碧水人家好，密竹疏松野寺清。烂醉一春才几日，可无佳景付诗情。——韩元吉《清明后一日同诸友湖上值雨》

44.

上苑连侯第，清明及暮春。九天初改火，万井属良辰。颁赐恩逾洽，承时庆自均。翠烟和柳嫩，红焰出花新。宠命尊三老，祥光烛万人。太平当此日，空复荷陶甄。——史延《清明日赐百僚新火》

45.

遥夜亭皋闲信步，乍过清明，渐觉伤春暮。数点雨声风约住，朦胧澹月云来去。桃李依依春暗度，谁在秋千，笑里轻轻语。一片芳心千万绪，人间没个安排处。——李煜《蝶恋花》

46.

遥夜亭皋闲信步，乍过清明，早觉伤春暮。数点雨声风约住，朦胧淡月云来去。桃李依依春暗度，谁在秋千，笑里低低语。一片芳心千万绪，人间没个安排处。——李煜《蝶恋花》

47.

东郊绿暗已红稀，指准酴醾待我归。细叶急随流水去，片心常望白云飞。半规残日穿林薄，一带遥册抹黛微。起舞高歌共春酌，凭栏无语欲忘机。——赵善括《清明日醉普光阁上》

48.

新烟着柳禁垣斜，杏酪分香俗共夸。白下有山皆绕郭，清明无客不思家。卞侯墓下迷芳草，卢女门前映落花。喜得故人同待诏，拟沽春酒醉京华。——高启《清明呈馆中诸公》

49.

谪宦过东畿，所抵州名濮。故里欲清明，临风堪恸哭。溪长柳似帷，山暖花如醪。逆旅讶簪裾，野老悲陵谷。暝鸟影连翩，惊狐尾纛。尚得佐方州，信是皇恩沐。——韩偓《出官经硖石县》

50.

寒食清明节令佳，禁烟遗俗渺天涯。清醇只向丹田暖，料峭犹烦翠幕遮。长短骤看森雨笋，高低难觅旋风花。小斋寂寂谁为伴，水底初闻两部蛙。——胡寅《令节即事简晞仲德施》

51.

上已清明都过了，客愁惟有心知。子规昨夜忽催归。驿程那复记，魂梦已先飞。回首故园花与柳，枝枝叶叶相思。归来拚得典春衣。绿阴幽远处，不管尽情啼。——黄机《临江仙》

52.

再钻巴火尚浮家，去国年多客路赊。那得青烟穿御柳，且将银烛照京花。香鬟半醉斜枝重，病眼全昏瘴雾遮。锦地绣天春不散，任教檐雨捲泥沙。——范成大《清明日试新火作牡丹会》

53.

春阴天气草如烟，时有飞花舞道边。院落日长人寂寂，池塘风慢鸟翩翩。故园回首三千里，新火伤心六七年。青盖皂衫无复禁，可能乘兴酒家眠。——王安石《清明辇下怀金陵》

54.

听风听雨过清明，愁草瘦花铭。楼前绿暗分携路，一丝柳，一寸柔情。料峭春寒中酒，交加晓梦啼莺。西园日日扫林亭，依旧赏新晴。黄蜂频扑秋千索，有当时、纤手香凝。惆怅双鸳不到，幽阶一夜苔生。——吴文英《风入松》

55.

寒食清明共一时，柔红开遍野棠梨。繁禽声乐风光丽，弱柳阴浓日脚迟。身外生涯何似酒，人间局面只如棋。行春莫待花飞却，藉草开樽剩赋诗。——吴锡畴《春日从伯氏领子侄郊行》

56.

风吹苦栋结经寒，乾石青精屋半间。泼火雨收春树绿，踏青人出画帘閒。红颜白发悲欢事，旧日新年梦觉关。满地落花啼鸟急，天涯游子几时还。——何梦桂《丁亥清明和昭德侄孙韵》

57.

夜夜春寒渐觉轻，桐花十日过清明。去年稔更今年稔，壬子晴兼甲子晴。楼阁相望饶客醉，干戈不用保农耕。老儒八十心无事，依旧吟窗剔短檠。——方回《三月十八日甲子晴》

58.

柳近清明翠缕长，多情右袞不相忘。开缄虽睹新篇丽，破鼻须闻冷酒香。时态懒随人上下，花心甘被蝶分张。朝稀且莫轻春赏，胜事由来在帝乡。——郑谷《次韵酬张补阙因寒食见寄之什》

59.

清明时节好烟光，英杰高吟兴味长。捧日即应还禁卫，当春何惜醉胸阳。千山过雨难藏翠，百卉临风不藉香。却是旅人凄屑甚，夜来魂梦到家乡。——李中《海上和柴军使清明书事》

60.

寒食家家出古城，老人看屋少年行。丘垄年年无旧道，车徒散行入衰草。牧儿驱牛下冢头，畏有家人来洒扫。远人无坟水头祭，还引妇姑望乡

拜。三日无火烧纸钱，纸钱那得到黄泉。但看垄上无新土，此中白骨应无主。——王建《寒食行》

本文链接：<https://duanjuziku.com/duanjuzi/uxfbztmrib.html>